


桃花人面圖
題詠集

君博



MG
1216.1
52

謝金娘女史小影



敬題

金娘賢姊玉照

謝氏金娘紅顏薄命嚴父

初行慈親又病喪母堪悲

守身可敬願別故鄉恥歸

他姓雲始出山月旋破鏡

風力雖狂竹筠自勁枉訂

婚姻難尋誓盟人面不逢

桃花徒詠

武進朱杏仙佩英稿



3 1774 8477 5

白題桃花八面圖

人面桃花話舊年風流生處最堪憐
命應落魄難行路事到傷心欲問天
粉香脂面倖猶特尋衫跡扇了前緣
夢殘清別園猶在繁影于今共潁川

紅顏薄命倩誰憐人面桃花話舊年
精衛有心填恨海雲姑無術補情天
雲英聰敏難如愿月老糊塗錯結緣
偷到瀟州看綠柳青樓夢醒啼雙川

離影分明徒自憐春歸不見曉陽天
客途柳絮哀今日人面桃花話舊年
拆散鴛鴦成戲語飛來蝴蝶證因緣
不知可有團圓候只堪當空月滿川

半生自問不求遷落拓甘居缺陷天
崔子豈無重見日劉郎那有再逢緣
我心金釧思前事人面桃花話舊年
誰唱狂歌當痛哭紅身雙影老斜川

不怪煩娥我欲憐前生同在大羅天
青衫西淚非無敵紅袖添香已了緣
蘇蕙至今居北里薛濤從此謫西川
曉風殘月詞休誦人面桃花話舊年

桃花人面圖題詠集序

歸安沈恩彤錫侯

劉晨一去古洞雲封崔護重來博陵春渺攝相思於南國卽竟難逢曠薄倖於東風卿原誤嫁大抵蘭因絮果
每留缺陷於情天從來淚債詩絲最易消磨乎豔福而况長卿善病季子憂貧硯僅代田金難作屋度春風於
昔日空喚真真見人面於何年惟呼負負於是借花寫恨抽毫則妙緒環生倩筆傳神觸目則佳人宛在爰開
吟社徧索題詞此楊君討春桃花人面圖所由作也夫使彩雲不散皓月常圓燕婉鶯嬌郎歌妾和笑指百花
深處春在儂家行看雙燕迎來香浮客棹從此綠鬟捧硯祗應名士銷魂紅雨迷津未許漁郎問渡奪海棠之
色妬繁胭脂描畎蝶之圖夢酣金粉誰謂筆樓韻事莫紹餘音蕭史風流難追佳話也哉嗟夫紅粉無緣青衫
記恨十年杜牧淚痕與脂暈同消再訪武陵流水送落花遠去望夕陽其欲墮含幽怨以無言問誰消受春光
一枝幸占剩我淒涼客路寸管慵拈環佩無聲筆花濺淚所冀者彩鸞雖去乘風仍墮故鄉紫燕重來入幕猶
尋舊主證癡情於片紙好語如珠續舊約於三生前塵若夢描他雙影待看寶鏡重圓索我一言願祝玉人無
恙

五古

題桃花人面圖

桃花人面圖題詠集

平江張榮培名塾公

桃花人面圖題詠集

二

春來苦風雨蕭蕭悵幽獨忽逢楊子來手持圖一幅索予作題詞語罷淚盈掬我起急展視芳馨驚手觸皎皎
畫中人脂痕凝素縠我爲桃花愁君爲人面哭豈知造物心每好顛倒伏月缺不常圓樹凋不長綠紅顏比舜
華幻想等蕉鹿倘作如是觀色相空心目矧君情所鍾靡解蠶繭束倩影逝驚鴻爭樓追豔福繪此武陵春重
勞崔護躑仙遇定非遙玉簫緣再續

青浦徐公修慎侯

劉阮入天台重來時世變見花不見人望風懷仙眷崔郎恨更深重尋昔所見一樹絳桃開對此情絲宮惜哉
花下人難駐春風面門巷尙依然感舊空留戀楊子抱情癡丹青補生絹見花並見人一樣紅妝絢畫裏喚真
真巧笑含輕倩

金山施其恕濟平

傅子念黃姑曾作一篇記楊君憶謝娘也寫幾行字彼已嫁牛郎可慰悲秋思此獨伴龜奴欲酒傷春淚碧桃
依舊開玉面於今避真真畫尙存灼灼書難寄但期采藥人重到看花地仍可遇游仙不須談往事

七古

白門程詠雱

桃花人面徒悲傷人面桃花兩渺茫桃葉桃根渾不辨人情人面多參商轉眼韶華條更變天公不管人離愁
昔從人面思桃花今對桃花憶人面在昔相逢人面時樓頭折取桃花枝惱儂輸與桃花色揉碎桃花搗作脂
去年人面知何處今日桃花復滿樹果然人面今尚存料應也被桃花妬小樓昨夜已東風桃花人面兩不同
人面已隨身共隱桃花仍綻武陵紅

昆明那 明白天

昔日桃花顏色嬌今日桃花魂魄銷重來人對花惆悵愁鎖春山借淚澆阿儂命似桃花薄懷人淚似桃花落
花開花落最關情桃花依舊人非昨昔日見花意欲狂今日見花心暗傷與花覲面思人面手撚花枝幾斷腸
花應鄭重向儂道伊人遠隔蓬萊島玉貌空怜身外身徒令郎君增懊惱花如解語也情鍾咬定情根死不鬆
歷徧滄桑窮碧落可容入夢一相逢相逢未卜何年月引恨吞聲不可綴人說桃花紅可憐我曾洒淚都成血

鴛湖畢羈菴

去年春醉美人家美人開宴坐飛花今年花似去年好重來劉阮空咨嗟人生聚散如蘋絮隨風逐水杳然去
絮飄蘋泊雨無情却忍情根無種處天乃將情屬吾人悲歡遇合寫情真兩間多少相思債石上三生有夙因
青衫紅袖同淪落相逢一笑舉珠箔才子拚量十斛珠美人不惜千金諾無端小別忽經年乘興而來轉黯然

桃花人面圖題詠集

四

穠花遮斷天台路，離恨遂留缺憾天。花光黯淡月無色，倩影亭亭情默默。今世已無古押衙，徧揖詞林徵翰墨。古來癡絕是英雄，愛寵何妨托畫中。留得玉容春不老，桃花開作可憐紅。

松江華文鍾侍仙

桃花依舊人面逝，千古流傳此恨事。多情江右謝金娘，又作此圖寄遐思。昔年卷中人姓崔，今日圖中差堪此。莫說今與昔不同，無非惆悵綠東風。楊君討春會，此意徵題惜桃花。紅桃花千古會不變，人面一時何處逢。我聞江右大庾嶺，梅花萬樹有仙境。不憶羅浮縞袂仙，乃覓元都道士影。元都觀裏遊人多，前度劉郎尙堪省。記得去年會面時，正是桃花開滿枝。再過此門人不見，癡郎今日欲相思。繪就芳容圖一幅，不如握筆且題詩。

杭縣吳保泰頌平

吳姬二八貌可人，面團團與圓月似。紅舒兩靨尤增妍，好比桃花開正始。蓮步輕移到花間，天生娥媚誰家子。居鄰水閣不知愁，嫣然微笑欲啓齒。朝來舉手偶折枝，日暮回身又獨倚。丰神娟秀時世裝，顧影翩翩勝歌妓。那知歲月迅如梭，詩詠桃夭適誰氏。紅顏一去渺音容，照眼春光今猶是。幾番回首溯前塵，門巷已更舊時址。可憐豔事夢中過，情緒萬千付流水。君不見寵妾無歸王獻之，桃葉渡江猶回視。又不見訪豔崔護又重來，桃花空笑東風裏。歡場彈指付雲煙，輕薄花枝難久恃。尋仙欲步阮劉蹤，路隔天台階底止。人去不歸桃尚開，三

春無主悲彌已僅留色相在生縮恍見當日風流矣

五律

鵝湖華 山西嶽

難作司香尉空爲惜玉人碧桃無我分紅萼爲誰春一世常含笑終身不效顰已隨流水去何必問前因

上虞潘普恩少文

飽食胡麻飯劉郎有夙因重尋仙子洞不見女兒身桃葉難爲妾花枝欲笑人回頭思往事使我暗傷神

平江嚴寅恭嶠虎

吾愛楊夫子平生最有情花枝休暗笑桃葉竟難迎逐水心何忍臨風態本輕個儂今已去空自訂同盟
記得碧桃樹美人當日過有花常共賞握筆每同哦碧落無情甚紅顏薄命多繪成圖一幅相對恨如何

實山舒昌森問梅

我輯梅芬閣君藏人面圖如何成感觸一樣託嗟吁粉氣凝香靨脂痕映玉膚飛仙留不住萬點落紅鋪
桃花零落盡春去不成歡瘦影驚飛燕仙蹤話彩鸞天台雲縹渺露井月迷漫恍惚聞環珮披圖淚未乾

七律

桃花人面圖題詠集

桃花人面圖題詠集

六

翁山許 泰仲瑚

人面桃花話舊年重來淒絕杜樊川
飄零紅袖誰爲侶落拓青衫孰見憐
好事多磨成水月墜歡難拾悵江天
何當快賦僧藏什愿遂藏嬌了夙緣

愁飄風泊劇堪憐人面桃花話舊年
敢怨個儂真薄倖欲求我佛證因緣
有鞭難縮相思地無石能修離恨天
譜出西樓傳韻事曉風殘月繼臨川

梨果蘭因欲問天紅絲無力繫良緣
卿眉楊柳描何日人面桃花話舊年
石證三生悲鑄錯神馳千里繞山川
瓣香珍重宵來薰幾度披圖喚小憐

綺懷詞譜望秦川勞燕分飛倍可憐
枕上深盟成昨夢鏡中倩影續前緣
郎身芍藥添新病人面桃花話舊年
敢祝來生修福慧姓名同註有情天

福薄難消美滿緣柔魂銷盡奈何天
未容綺夢圓香國肯把私情付逝川
牢縛繭絲徒自苦誤填鴛牒有誰憐
懊儂一曲腸應斷人面桃花話舊年

芝陽劉襄章

人面桃花話舊年個中情緒總堪憐
重來怕覩源頭水一別難拋渡口天
雲雨荒唐空有夢海山迢遞渺無緣

漫言薄命飄零慣逐浪憑誰挽逝川

黃梁炊熟消生憐人面桃花話舊年春雨一溪離別路東風二月感懷天此時莫唱無愁曲何日重聯未了緣
祇恐屏軀難跋涉夜來夢亦阻前川

誰解鰕生願影憐姓名鑄錯有情天馬蹄芳草思今夕人面桃花話舊年容易團圓途次月最難擺脫世間緣
一回惆悵一回喜洞口春來可涉川

無言生怕惹郎憐吳楚何堪別一天濁世有誰空俗骨仙津知爾厭塵緣客蹤萍梗悲終古人面桃花話舊年
鏡裏芳姿徒嘆息漁舟重訪滯晴川

扇底驚鴻只自憐莫將離恨訴青天
炬娥空有灝行約阮肇偏無再到緣嬌
恐東風摧院落神皋秋水悵山川
胡麻飯罷仙源遠人面桃花話舊年

平江江家楨蔭香

人面桃桃話舊年春情如夢客中憐不堪回首思前日枉自搔頭問上天下筆空成長恨句焚香愿續再生緣
武陵洞口留陳跡流水滔滔感逝川

徒勞玉惜又香憐人面桃花話舊年詎料鍾情無了局翻添離恨望長天柳絲搖曳牽愁緒蓬梗飄零斷風緣

桃花人面圖題詠集

桃花人面圖題詠集

八

何日春風仍對笑溫柔終老樂斜川

蝴蝶分飛最可憐憑欄惆悵奈何天
儂心蓮子悲前事人面桃花話舊年
聚影擎樓猶滴淚藏嬌金屋竟無緣
滿胸礪礪惟澆酒且效長鯨吸百川

相思兩地又相憐缺陷難教石補天
碧海音沉達素愿藍橋水溢阻良緣
陌頭楊柳添新恨人面桃花話舊年
十載揚州春夢醒祇留明月映前川

畫裏真真我亦憐銀河阻隔有情天
鸞箋寫影爭題句鴻爪留痕錯結緣
薄倖名傳嗟杜牧繁華夢醒痛樊川
空教淚洒青衫上人面桃花話舊年

古黻孫 奇次青

人面桃花話舊年一回追憶一回憐
早知今日成虛愿深悔當初說有緣
飛絮已隨流水去夕陽猶傍畫欄妍
東風吹起相思恨冷豆灰中又火然

春光滿眼爲誰妍人面桃花話舊年
密誓尙疑潭水淺芳心怕見月華圓
欲除綺恨須無我拚死癡情不愿仙
儂是前生冤孽債好尋佛氏說因緣

惱我春愁有萬千歡場過眼若雲煙
禪心泥絮吟當日人面桃花話舊年
洪度因緣難久恃崔微圖畫更堪憐

此番鍊就娑皇石破碎情天補或全

詩情畫意兩纏綿一寸春心託杜鵑倩女離魂原暫別息妃無語總雙眠陌頭柳色牽新恨人面桃花話舊年
若道書生都薄福幾家金屋貯嬋娟

珠箔青樓望渺然爲聲啼破夕陽天傷心已穀蕭郎恨繫足難分月老權色界沉沉魔入幻愛河滾滾淚如泉
會看崔護重來日人面桃花話舊年

武進徐 缶石瓠

桃花人面憶當年每展斯圖涕淚漣前度劉郎偏有福後來崔子竟無緣嬌姿酷似紅霞媚美色原如絳雪妍
三月韶光容易過一朝夢醒實堪憐

圖上已題詩百篇桃花人面憶當年憐鄉本是無雙豔喜我曾逢第一仙祇爲情深貽玉佩但教心固似金釧
今朝難見傾城女不怪癡郎欲問天

武陵相隔路三千空泛漁郎一葉船楊柳偎腰如昔日桃花人面憶當年隨風飄蕩辭金谷逐水漂流到玉川
不料斯身尙無主回思往事淚如泉

不與羣芳醉綺筵甘心獨立碧溪邊身披綵服迎風笑腰束紅裙向日鮮杏蕊仙姿看此日桃花人面憶當年

桃花人面圖題詠集

九

桃花人面圖題詠集

十

懊儂難作司香尉十萬金鈴尙未懸
愛卿才貌本來全幸得芳名到處傳
色似楊妃美無比容如息后寵能專
日休作賦心難死禹錫題詩情尙牽
可惜紅顏多薄命桃花人面憶當年

白門鄭鍾琪寄伯

弓鞋纖印臉蒼苔門冷雙環曲水隈
昨夜新開依露井過時再訪誤天台
二分消瘦憐香骨百種嬌妍鬥粉腮
風動落英紅雨亂拂花還詫美人來
悄立無言意默含情長千尺過深潭
迷茫流水隨何急輕薄東風嫁未甘
錦字牋頭通旖旎痕扇底畫癡憨
任歸阿母瑤池上青鳥猶煩一細探

蕪城金睡鵬

畫圖省識舊丰姿睡足茶蘼展拜遲
五夜閒愁消麝炷一春長恨臘燕支
渡頭落日離亭淚江上東風送客詩
眉黛欲顰花欲笑醉看何以慰相思

白門翟肇煌楚材

惆悵桃源路未通傷春人在小樓東
蠻箋題偏相思字露井吹寒昨夜風
水懸深潭無限綠霞烘別淚可憐紅

桃根桃葉都凝恨打槳江頭唱惱公

鴉江王 泰鸚士

過眼韶光不肯留夕陽門巷感重游苔黏碧字題新恨花吐紅情解舊愁飛燕慵來春寂寂鴈鴻驚去水悠悠
傾心博得風前貌萬種相思一笑酬

休寧獅鶴散人

春風重上媚香樓人面桃花感舊游玉局不離鸚鵡夢畫圖空媿鳳凰儔紅雲捧出相樹思繡闥橫加屈戌鉤
寄語崔郎休悵望嫦娥圓轉待中秋

平川余其鏘秋槎

重訪仙源路未通癡情脈脈恨東風揩乾眼淚尋知己咽住歌喉唱惱公芳草有情牽舊夢夕陽無語下寒空
今年樓上佳人去盼咐桃花不許紅

杭縣劉 鷺逸雲

獨上危樓倚斷霞個儂遠隔在天涯當年有福逢崔子此日題詩爲謝家名士多情空繞夢美人薄命竟如花
回思往事真堪嘆不怪癡郎淚似麻

桃花人面圖題詠集序

桃花人面圖題詠集序

十二

松江朱萃匯生

今朝再到天台境紅粉飄零異舊時桃樹猶存應有感花容不見實堪悲空描一幅真真畫枉作千篇灼灼詩
仙女未知何處去癡郎此日欲縈思

吳縣繆桐厚傳

幾樹桃花點綴工春來依舊笑東風含煙宛似唇塗赭帶雨渾如頰暈紅月下傳神霞並蔚窗前啓齒日初烘
天台再到人難見遂使劉郎恨不窮

五絕

山陰周錫準癡龍

寫出人面圖竟與花同妙不見去年人空被桃花笑

崇川張麟年峯石

人面映桃花桃花紅灼灼之子賦于歸天公何太惡

梁安李嘉泰左民

轉眼嫁東風銷魂小院中桃花好顏色竟對別人紅

鴻城蔣星若寄籀

楊柳如眉綠桃花映面紅美人渾不語依舊醉春風

平江黃鈞頌堯

十七年前夢今朝忍更提桃花依舊好祇恨隔清溪
省識春風面依稀影事留畫師如有意添個武陵舟
小姑居處近最愛百花香流水杳然去從今春恨長
一幅崔徽影三生杜牧愁祝他遲結子仙境或重游

七絕

君是崔郎又阮郎重來門巷憶紅妝桃花畢竟如人面莫倚東風怨夕陽

番禺潘飛聲蘭史

記曾含笑媚春風一別春風路不通剩得圖中花影在雙腮猶是去年紅
南國天天錦作胎好花無主向誰開天台本是神仙境不許劉郎再到來

崇川張鳳年峽亭

桃花人面圖題詠集

桃花人面圖題詠集

十四

揚州慶虞廷

情長千尺深潭水，門掩雙環未許通。
惆悵東風人不見，落英滿地帶愁紅。
題偏相思錦字新，多情扇底喚真真。
天台再到終迷誤，恨煞桃花隔斷春。

湘州劉天麟

鐘情薄命總相憐，離恨應知別有天。
拋盡淚珠三百斛，原來難當買花錢。

江陰謝鼎鎔、幼陶

披圖猶憶昔年春，人面桃花顏色新。
此日天台空悵望，不知仙侶屬何人。
淒涼往事不成歌，綠鬢華年逝水過。
就使重逢亦惆悵，青衫人老落花多。

白門陶隆偉、秀夫

東風無奈太蹉跎，流水淙淙逐逝波。
牆外桃花牆內月，較儂心事究誰多。

濠上鼓鈇生

春風今日負重來，舊景依稀未忍回。
我笑桃花花笑我，真如劉阮返天台。
憶昔春藏蘇小家，而今消息隔天涯。
蓬山縱使無多路，難覓人間古押衙。

疊山朱德頤瑞庭

難將消息問情天畢竟無緣是有緣石上三生知未訂憐才何必遇嬋娟
眼窺空印意中人花想姿容月想神石爛海枯情不盡朝朝暮暮喚真真

揚州萬毓芝

舊時風景舊樓臺前度劉郎今又來一樣桃花人不見夕陽流水幾徘徊
玉容留得鏡中無伴我琴書似解慳底事相看無一語癡心欲問畫中人

嵩城朱芬蘭英

往事如烟且漫論算餘清影殼銷魂東西勞燕何時聚開到桃花盡淚痕

嵩城朱素貞瑞香

昔日仙姿不再逢蓬山何止隔千重闌杆曲景都窺遍腹有桃花展笑容
崔護重來已隔年個個不見悵雲天畫圖雖列如花貌畢竟難償一面緣

平江吳渭漁雙熱

宜笑宜嗔面面春畫中人是意中人金娘當作真娘喚倘有天仙能化身

桃花人面圖題詠集

十五

桃花人面圖題詠集

十六

桃花無恙幾春風物是人非色相空恨上眉尖悲鎖骨癡儂真個可憐虫
世間儘有癡情者豈獨吳門楊白華一樣盈盈心上事我傷桃葉汝桃花

平江徐均巖愚農

美人形態甚翩翩獨立風前望若仙試看碧桃開滿樹紅顏映出十分妍
又到天桃怒放時傷心不得見仙姿良工繪出如花貌我亦揮毫欲賦詩

定遠方澤久佛生

泥人含笑憶當時不料終無再見期門閉東風怨啼鳥殘紅滿地濕胭脂

吳江吳冕英繼美

笑看竹外兩三枝靜伴青年窈窕姬寂寂無言曾顧影可憐紅到半開時
人間春色十分饒少婦凝妝頰暈潮恰與紅顏相掩映天然一樣共呈嬌
桃花無數縮芳容妖冶何曾遜玉人人似桃花本嬌豔花如人意有精神
花光人影畫中呈漫道無情卻有情誰是超然空色相任他輕薄詭傾城

集句

離合悲歡一幅圖分明幻夢兩模糊只今飄泊留遺跡莫向東風唱鷓鴣

袁江劉蕃芝瘦鶴

古黟胡文輝蘊山

深知身在情長在前度劉郎今又來盡日傷心人不見碧山明月照蒼苔

羅溪朱世賢雅萃

渡江桃葉更無期癡對青天立幾時此是最銷魂景界偶拈紅豆又相思

又因桃葉念桃根（指謝金娘周寶娘兩女史）梅語蘭香若個溫如此相思容易老人生能得幾黃昏

詞

喝火令

平江周慕萱長嘯

燕子爭窺徑鸚哥不喚離桃樹下拴征騎恍惚前情如夢悵立幾多時人去萬千里花開三兩枝東風依舊笑僂癡瘦了腰圍底事欲卿知尋徧天涯地角何處寄相思

高陽臺

丹徒吳清庠眉孫

紅蠟催妝絳綃籠骨可人豔奪朝霞苦記當年醉眠芳草平沙東風三月天台夢到天台春去天涯最惹人紅

桃花人面圖題詠集

十七

桃花人面圖題詠集

十八

粉飄零吹墜香車 苔深認却來時路
悵小橋流水雨細風斜燕悄鶯沉情誰說
與年華斷腸自製江南曲
哭秀香流落誰家
賸歸途十里蘼蕪十里楊花

蘇幕遮

海昌周 柳劍青

口含櫻眉鎖柳有恨無言畫裏人
依舊幾許衷情難共剖
淚眼看伊濕透衫兒袖
對真真呼負負料得新來
更比年時瘦
密約臨歧還記否
欲與溫存甚日相逢又

虞美人

雪水韻棠女士

閒庭如水蒼苔濕
記取嬋娟立落英
如雨夕陽紅曾伴胭脂雙頰可憐儂
香泥滑滑融芳徑
腸斷弓鞋印天台
萬樹白雲遮
替祝劉郎重到飯胡麻

巫山一片雲

海陵惜春女史

玉樓人去無消息
胭脂雨浸紅襟濕
舊夢不重圓
春風燕子天
殘紅滿地落點點
飛香閣門外曉鶯啼長堤
望欲迷

昔年人共花同笑
而今花放悲人杳
枉自費思量
癡情是阮郎
猶思窗外見紅暈
桃花面
空使有情儂相思
寄落紅

念奴嬌

泉唐沈醉陶逃禪

歌珠和玉正去年花下相逢時節得意忘言緋兩頰一點靈犀欲活春酸心花夢甜意境緊扣鴛鴦結兩心一愿愿常共此花月却怎忽唱驪歌一聲珍重暮地消肌雪暫別已輸愁萬斛長別又從何說更怎安排鏡中花貌榻上和思骨飛紅匝地淒涼崔護欲絕

鷓鴣天

嵩城朱素貞瑞香

一帶朱扉傍綠楊水晶簾捲逗餘香桃花含笑如相識不見雲英寸斷腸思往事已茫茫知拋珠淚幾千行傷心莫爲春風面皎鏡重圓有樂昌

生查子

崇川徐鑒藻廬

去時過東樓人與春俱好卿是可憐花郎是相思草來時過東樓花落春將老不見倚樓人打幅傷心稿

鳳凰臺上憶吹簫

德清俞慶曾吉初

仙夢迷離春光依舊劉郎前度重來賸小桃無語嫩蕊偷開一抹燕支照水算當時鏡裏紅頭臨風態教人回首枉自疑猜徘徊成陰綠葉憐往日匆匆車走輕雷望巫山雲杳何處天台一幅生綃留影花醉露人立蒼苔凝眸看錯疑弄波羅襪新裁

前調 用俞吉初女士韻

丹徒楊鳳英女士

人面難逢春光易去崔郎甚悔重來賸碧桃仍在紅蕊猶開回憶門前含笑曾抬手獨捧香頰嬌癡態卿如沉醉我欲疑猜徘徊金鈴枉繫嗟一旦生風平地鳴雷使津迷仙洞路隔天台贏得圖中留影常無語孤立蒼苔悲傷事胭脂已逝箋紙空裁

曲

南仙呂入雙調

白門孫 初雲伯

新水令

山塘七里春風輕爲尋春不辭路遠落花紅滿地芳草綠黏天斷夢如煙敢錯認那家門巷

江兒水

白板門深掩紅樓箔靜懸分明記得梨花院端詳小額芳蘭館彎環六曲藏春檻爭奈玉人不見只鳥雀聲喧聞煞了一樹桃花嬌豔

月上海棠

記去年匆匆一顧芙蓉面壓顰眼誰家美眷這里神仙甚垂涎麗質如花肯輕負韶光似電應相倩天公方便

莫誤嬋娟

醉扶歸

未相逢雨下心相絆乍相逢一笑口難言再相逢誰料竟無緣悶懣懣幽恨蕉心捲意綿綿愁思柳絲牽盼懸
懸佳偶標梅願

步步嬌

縛情絲堪嗤春蠶繭那得并刀剪悲缺陷是情天才子緣慳佳人福淺百感寸心煎算書生合受風流譴

尾聲

這畫圖是一幅相思勞怕你單相思是枉纏綿再不許漁郎誤入武陵源

南正宮

句曲王觀瀾蘇漁

錦纏道

祇思量十年前洪都謝娘玉趾到金閨有張郎當時待月西廂欲銷魂偏逢豔妝未開言先嗅濃香昔日樂無
央真個與鶯鶯握掌過竹院至蘭房遂醫了相如舊恙總難忘卓女愛情長

朱奴剔銀燈

桃花人面圖題詠集

(朱奴兒首至合)拆鴛鴦相離遠方打鸞凰獨宿高岡那冤債今生不得償空對著佳人圖像(剔銀燈合至末)悲傷欲終朝斷腸實爲了個假難降

雁過聲

荒唐書生廢障似當年陽台楚王畫眉今日非張敞閉紗窗臥繾綣床看雙雙燕宿雕梁淒涼一身藏惟憐倩女魂遙往枉久喚香名無影響

小桃紅

東樓福會經享南朝事真堪愴捫心忍把楊枝放鍾情欲爲桃根訪不知仙子嬌模樣在何時重遇劉郎

跋

余于甲辰年曾以桃花人面圖徵題蓋爲謝金娘女史而作也乃蒙海內詞人天涯墨客或撰玉台之序或吟金谷之詩或填南國之詞或譜西樓之曲桃花扇上美人之碧血猶存燕子箋中名士之丹心未死人離千里事過十年聊刻詩文以爲紀念云爾壬戌孟夏中浣丹徒楊鴻年討春跋

82

469-24

(